

فيديو # ٢٠١ من مقاطع حظر التجول تدبر سورة الشعرا # ٢

الآيات: ٤١-٥٣

فاضل سليمان

السلام عليكم ورحمة الله وبركاته. اهلا بحضراتكم في المقطع رقم مائة واثنين من مقاطع حظر التجول المقطع رقم مية واثنين من مقاطع حظر التجول والمقطع رقم اثنين من مقاطع تدبر سورة الشعرا - [00:00:07](#)

احب افcker حضراتكم بالمصاحف. كل واحد يجيب مصحف ويفتح على الصورة رقم ستة وعشرين. سورة الشعرا امبارح بدأنا تدبر قصة موسى صلى الله عليه وسلم التي وردت في سورة الشعرا - [00:00:31](#)

وسمعنا ان الله قد كلف موسى بالذهب الى فرعون. اقرا معي مية وعشرة ومية وحداشر اعوذ بالله السميع العليم من الشيطان الرجيم. افتح المصحف بتاتعاك على الآية عشرة سورة الشعرا - [00:00:48](#)

واذ نادى رب موسى ان ائت القوم الظالمين قوم فرعون. الا يتقون سيدنا آآ موسى ربنا امره ان ائت قوم الظالمين. قوم فرعون الا يتقون. وشفنا سيدنا موسى وهو خائف على - [00:01:08](#)

مصلحة الدعوة من نقاط الضعف هو يراها في نفسه. اقرا معي اتناشر وتلاتهاشر قال رب اني اخاف ان يكذبون ويضيق صدري ولا ينطلق لساني فارسل الى هارون تدبرناها بقرائتها رواية حفص - [00:01:37](#)

تشترك مع قراءة الجمهور رواية روح ورويس اللي هي اسمها قراءة يعقوب الحضرمي. وشفنا ان سيدنا موسى بيقول لربنا يا رب انا خايف يكذبني. وخايف انفعل لاني اصلا انا بن فعل بسهولة وبشدة. وخايف ان - [00:01:59](#)

ما ينطلقش بلا باقة في الكلام لان لساني اصلا متكتف في اللغة نتيجة ان انا بقى لي يعني عشر سنين مقيم خارج مصر وكده. فمش باستخدم اللغة نبدأ بقى النهاردة من الآية اربعناشر - [00:02:19](#)

بداية التدبر بتاتعاها النهاردة الآية اربعناشر ولهم علي ذنب فاخاف ان يقتلون وكمان انا متهم في قضية قتل واخاف اني الفت النزر لنفسي فينفذ في حكم الاعدام وده بيرو على الناس اللي قالت انه رجع بعد عشر سنوات لان مصر كان فيها قانون بيسقط العقوبة على - [00:02:34](#)

بعد عشر سنوات ازاي ازا كان سيدنا موسى خايف يقتلوه اصلا لحد دلوقتي. فده معناه ان سيدنا موسى قبل النبوة كان راجع مصر. وبيخاطر بحياة اياتو برا بوالدته وممكنا لمساعدةبني اسرائيل في محنتهم اللي كانوا فيها آآ نتيجة الظلم والاضطهاد الواقع عليهم من الفراعين. ولكن كان ناوي - [00:03:04](#)

انه لا يلتف النظر لنفسه حتى لا يقتل اما بقى التوجه لقصر فرعون ومواجهته فده بيعرض حياته للخطر فهو بمنتهى اللادب ولم يعرض ولم يأب ولم يرفض امر الله ولكنه عبر عن مخاوفه - [00:03:31](#)

وطلب معاونة اخوه هارون وده فيه درس لنا انك عندما لا تدرك حكمة الله. من امر من الامور فلا تعترض. واسمع واطع ولا حرج في ان تكلم الله وتدعوا الله وتطلب من الله العون وانه يكشف لك الحكمة من امر معين - [00:03:55](#)

هذا يتطلب ايمان بحكمة ربنا. حتى لو انت مش فاهمها. فانت لو مؤمن ان ربنا هو الحكيم هو الخبرير هو العليم. يستطيع اوامره حتى لو مش فاهم الحكمة منها وده يتطلب عبودية ايضا لله. ومعرفة انه لا يسأل عما يفعل وهم يسألون - [00:04:18](#)

ربنا بقى رد على مخاوف سيدنا موسى كلها. اقرا خمستاشر قال كل اذها باياتنا انا معكم مستمعون خايف يكذبوك. وخايف تتنرفس

وتفعل. وخايف لسانك ما ينطلقش في الكلام. وخايف يقتلوك. ربنا رد عليه باختصار - 00:04:42

مش هيحصل ازاي انا معك وسامع اللي بيحصل معك قال كلا فاذها بایاتنا انا معكم ان معكم معية الله من كان الله معه فمن عليه ومن كان الله عليه فمن معه زي ما شيخنا النابسي بيقول - 00:05:06

ربنا معك يا موسى مخاوفك كلها ستبدل هل سيدنا موسى لسانه منطلقش؟ طب احنا هنترج النهاردة على الحوار اللي بينه وبين فرعون. سيدنا موسى لسانه كان رشاش سريع طلقات وہتترجووا النهاردة. فين ده اللي ما انطلقش؟ هتشوف دلوقتي لما ربنا معه كل مخاوفه اتقلبت العكس - 00:05:37

انا اصلا في الحوار قاعد مستبني اشوف سيدنا هارون هيدخل امتي في الكلام ما بيتدخلش. سيدنا موسى مش مدي فرصة مش محتاج اصلا. ده بوريك شخصية سيدنا موسى والتواضع بتاعه وعدم تزكيته لنفسه - 00:06:01

وهو في الحقيقة قوي جدا لكنه حريص على الاسلام وعلى مصلحة الاسلام وعلى مصلحة الدعوة خايف من ايه تاني يا موسى؟ خايف يقتلوك؟ ربك شق البحر علشانك وغرق حاكم اقوى دولة بالجيش بتاعه. ليه؟ لانه قال - 00:06:15

انا معكما انا معك ما فيش حد اقوى منك خايف من ايه كمان؟ ضيق صدرك وانفعالك تم توزيفه لصالح الدعوة والاسلام. لما مسک الصنم اللي عملوه على شكل عجل وحرقه وبرده بالمبارز - 00:06:35

يعني ده كان ده من الذهب فيبرده بالمبارز وينثره في البحر قدام اليهود محتاجة انفعال ما هو عشان ما ينفعش نعمل كده يكون من فعل. فالانفعال تم توزيفه - 00:06:51

وكمان ايه انفعال مفید يعني يعني ان لما يرمي الثروة دي من الذهب في البحر رسالة لكل حمار ناوي يروج للكفر ان هناك قائد حازم لن يتحمل ولن يتحمل ولن يتصالح مع الشركة - 00:07:08

وكل شيء تم توزيفه لصالح الاسلام. اقرا معي بقى خمستاشر تاني انا خايف من كذا وكذا قال كلا فاذها بایاتنا. لا اتفضلو روحوا انتم الاثنين. فاذها بایاتنا روحوا بها معكم معجزاتي. معجزة العصا معجزة رهيبة. مذلة ومعجزة اليد. ايضا مذلة. انا معكم - 00:07:28

مستمعون ما تخافشي مخاوفك كلها ستبدل انا معكم سامع كل حاجة الكلام بصيغة الجمع للعظمة. ان معكم مستمعون. هذا يناسب جدا موقف العظمة هنا. ماشي اه لما بيكون في مسلا عنصر لجهاز مخابرات رايح يعمل عملية وداخل عرين الاسد. وهيدخل جوة مقر - 00:07:55

يبقى قلقان على سلامته جهاز المخابرات بيحط له جهاز تصنّت وبيخبيه له في ملابسه بيقول له ما تخافشي جمد قلبك. احنا برة المبني سامعين كل كلمة. وقت اللزوم هنتدخل لحمايتك - 00:08:23

فالشخص اللي هيعلم العملية ببقي مستريح شوية. ليه؟ جهاز مخابرات قوي وسامع كل حاجة. ايش حال لو ربنا نفسه بيقول لك مش بس سامع؟ بيقول انا معك انا معكم مستمعون. فلا تتعجب بعد كده لما تشوّف سيدنا موسى في جميع المواقف - 00:08:40

بيتعامل بمنتهى الشجاعة والانطلاق ليه؟ لانه مؤمن بربنا وبمعية الله ان ربنا معه. اطلع دلوقتي في سورة الشعرا للایة ستين. حضرتك الایة ستين وواحد وستين. يلا اقلب لقدمك كده وهات ستين واحد وستين - 00:09:00

لما جه فرعون بجنوده وبني اسرائيل من قدامهم والناحية دي البحر ما خلاص هيتفشوا. فلما تراغي الجماعن قال اصحاب موسى انا لمدركون. اتفقشنا قال كلا ان معي ربى سيهدين. لأ ده الكلام ده قبل ما يجي له وحي اصلا. ايه اللي مخلية متأكد كده - 00:09:18

هنا خليني متأكد ان معي ربى سيهدين. معي ربى متأكد ان الله معه وسيجد له حل. اطلع للایة ثلاثة وستين بقى فاوحينا الى موسى انضرب بعصاك البحر فكان كل فرق كالطود العظيم. بس ايمان موسى القوي كان دايما حاضر في المشهد - 00:09:44

خلاص؟ ارجع للایة خمستاشر تاني نرجع تاني للایة خمستاشر عايز اتوقف عند كلمة هنا. قال كلا فاذها بایاتنا انا معكم مستمعون. معكم معكما مش موسى وهارون لي معكم معكم دى جمع - 00:10:07

معكم مين ارجع للاية عشر وحداشر في الاية عشر ربنا قال له ايه ؟ ان انتي القوم الظالمين قوم فرعون الا يتقدون فربنا يقول له انا هكون حاضر معك في المشهد انت وهارون وهم - 00:10:30

انا معكم فعليا في المشهد قال كلا فاذهبا انا ربنا انا معكم موسى وهارون وقوم فرعون المشهد مستمعون فاتيا اسمع بقى فاتيا انت
الاتنين مثنى فرعون فقولا قولوا انتم الاتنين - 00:10:54

ان مثنى رسول واحد رب العالمين. احنا الاتنين رسول رب العالمين. روحوا لفرعون وقولوا له انتم الاتنين احنا رب العالمين. مع ان
في سورة طه سبعة واربعين اخذناها ان رسولها - 00:11:18

ربك شيء طبيعي ان فرعون لما يجي له الاتنين دول هيسألوا انت مين وانت مين ؟ ولازمتك ايه ؟ جاية معه ليه فلازم هيعرفوه بكل
واحد منهم شغلته ايه. انا رسول ويقولوا انا رسول يبقى انا رسول رب العالمين - 00:11:35

بس احنا رسولين وكأننا رجل واحد لاننا نحمل رسالة واحدة ان رسول رب العالمين. يعني نحن رسولين نحمل نفس الرسالة من رب
العالمين تمام طب ليه ما قالوش بالمرة بقى ؟ وعلى فكرة احنا اخوات وعايشين في مصر مش هنتصاحب - 00:12:00
الكلام على القد وفي الموضوع. وشفنا قبل كده لما فرعون حاول يشتت الموضوع باسئلة خارج الموضوع اتسك عليه ازاي ؟ سيدنا
موسى بقى سورة طه فرعون سأل قال ايه في الاية واحد وخمسين قال فما بنو القرون الاولى طب القرون اللي قبلنا والاقوام اللي
قبلنا دول هي عملوا ايه بقى - 00:12:22

كانوا موجودين قبل ما انت تبعت لموسى هيخشوا النار ولا هيخشوا الجنة الاسئلة اللي احنا بنسألهما سألها عشان يشتت عشان يتوه.
قال علمها عند ربها في كتاب لا يضل ربها ولا ينزع. ما جاوبوش قال له الله اعلم - 00:12:42

ما تغيرش الموضوع عشان تشتتنا اقرأ مع الاية سبعتاشر افتح الاية سبعتاشر في الشهرة ان رسول رب الارسل معنا بنى اسرائيل
انا رسول رب العالمين جاي لك ليه بقى ان ارسل معنا بنى اسرائيل - 00:12:57

هو ده انت مستعمل بنى اسرائيل وده زلم معنا احنا هنسيب البلد وماشيين ما تمنعهمش من السفر في طبعا دلوقتي بقى ناس هتزييط
وتقول لك يوه ده اجندية سياسية الناس دي متسترة وراء الدين. الموضوع ما لوش دعوة بالدين دي كلها تجارة بالدين. موسى

وهارون دي تاجروا بالدين الحقيقة ايه ؟ ارسل معنا بنى اسرائيل. ده الموضوع كله سياسة يا جماعة - 00:13:22

ودي مشكلة الناس اللي فاهمة ان الدين دروشة ان الدين بيقتصر على الصلاة والصوم والحج والزكاة. لأن دين يعني طريقة الحياة. في
سورة يوسف ربنا بيقول فبدأ باوعيتم قبل وعاء أخيه. ثم استخرجها من وعاء أخيه. كذلك كدنا لي يوسف ما كان - 00:13:54
ليأخذ أخيه في دين الملك الا ان يشاء الله. في دين الملك يعني طبقا لنظام الملك. طبقا للسيستم بتاع الملك. دين ديني يعني نزام
كامل الدين طريقة في الحياة تشمل العلاقة بالله وال العلاقة بالناس وال العلاقة بين الحاكم والمحكوم وال العلاقات المالية يكون عبارة عن -
00:14:17

سياسة واقتصاد واجتماع وليس فقط فقه وتفسير هناك فرع من فروع العلم اسمه السياسة الشرعية في الاسلام فدي النقطة بس
انتم دايما عشان لما نيجي جت كده لسيدنا موسى بيقولوا ايه ان ارسل معنا بنى اسرائيل هم مش بيدخلوا الدين في السياسة. لأن دين
ده دين - 00:14:41

اسمع بقى فرعون هيقول ايه ويحاول يحرج موسى ركزوا اول حلة جاية دي يا جماعة. الاية تمنتاشر وتسعاشر هو دخلوا وبيسألوه
بيطلبوا منه طلب واحد ربنا رسول آآ رسول رب العالمين - 00:15:03

قال الم من ربك فينا وليدا ؟ ولبشت فينا من عمرك سنين ؟ وفعلت فعلتك التي فعلت وانت من الكافرين يا خسارة بوصوا استخدام التأثير
العاطفي قدام الناس عايز يشتت الموضوع. خل بالك بقى يا فرعون ما كانش اهبل. مش بيعرف يتكلم لأن ده حاكم اقوى دولة في
هذا - 00:15:19

دخل مدخل عاطفي يا خسارة يا موسى مش اخذناك وانت لسة مولود والمفروض كنت تقتل زي كل عيال بنى اسرائيل في السنة
دي ومع ذلك ربنا واكلناك وشربناك وينمناك وقعدناك عندنا بنصرف عليك سنين كاملة - 00:15:41

الم نريك فينا وليدا ولبشت فينا من عمرك سنين وبعدها عملت العملة اللي انت عملتها يا قاتل عامل لي فيها نبي ده انت ده انت قاتل
الراجل بدل ما تشكرنا على جماليك اللي مغرقينك بها. جحدتها وكفرت نعمتنا عليك - [00:16:04](#)

وفعلت فعلتك التي فعلت في الفعلة الجريمة اللي ارتكبتها وانت من الكافرين. مش يعني من الكافرين يعني من لا. الكافرين هنا
يعني ايه؟ كافر بالنعمة. انا انعمت عليك النعم دى فكفرت النعمة - [00:16:28](#)

لما تشكر النعمة. هنا من الكافرين عكس الشاكرين. مش عكس المؤمنين ركز معى مم نقرأ تانى كلام فرعون خطير جدا ممكن سيدنا
موسى يتهز من الكلام ده وبالذات انه مش بيعرف يتكلم - [00:16:45](#)

ويبين فعل. مش هو قال لك انا بنفعل ومش بعرف اتكلم بص بص فرعون قال له ايه قال الم نريك فينا وليدا ولبشت فينا من عمرك سنين
وفعلت فعلتك التي فعلت وانت من الكافرين. بص - [00:17:03](#)

سيدنا موسى راح رادد عليه تلقائيا ازاي؟ سيدنا موسى ما بيعرفش يتكلم. بص عمل ايه بقى؟ قال فعلتها اذا وانا من الضالين. ففررت
منكم لما خفت فوهب لي ربى حكما وجعلني من المرسلين. وتلك نعمة تمنها علي ان عبدتبني اسرائيل - [00:17:20](#)
خبر ابيض على الرد. بصوا بقى الرد بالنسبة لجريمة القتل هي ما كانتش جريمة زي ما انت بتقول ده كان قتل خطأ فعلتها اذا وانا من
الضالين مش واحد بالي - [00:17:41](#)

يعني من غير قصد انساء الغضب والخناقة الراجل اتخبط وقع على راسه. انا كنت مش واحد بالي ماشي. مش عن قصدي في كل
دساتير العالم اسمها قتل خطأ ما اسمهاش جريمة قتل - [00:17:52](#)

ادي حاجة هتقول لي هربت ليه؟ هقول لك في قررت منكم لما خفتكم ده يعني يعني اولا يا فرعون ده ضدك انت ان انسان يسيب
بلده لانه غير واثق في عدالة الحكم - [00:18:05](#)

معادلة القضاء في البلدية فما فيش بلد محترمة فيها عدل. الابرياء بيهرموا منها. وانا بريء. لكن متهم في قضية قتل خطأ. خفت
منكم دي مش مش ضامنك ومش ضامن النظام بتاعك. اي متهم في الدنيا هيقعد ويواجه قضيته لانه عارف انه لن يظلم انما
موسى - [00:18:21](#)

ففررت منكم لما خفتكم. انت مش غلطتي انا. ده ضدكم انت مش ضدي انا. شف سيدنا موسى اللي بيقول لك ما بيعرفش اتكلم كل
حاجة على على الثاني على طول - [00:18:43](#)

واسناء ما انا في الخارج فوهب لي ربى حكما وجعلني من المرسلين الواحد وهو في الغربة على فكرة ممكن يضيع او او ان حاله
يتحسن ويقرب من ربنا اكتر. هو بقى وهو في الغربة ربنا اختاره - [00:18:54](#)

وانعم علي فوهب لي ربى حكما. ربنا ادي له الحكمة التي يمنحها للانبياء. وجعلني من المرسلين وخلاني ما قالوش وجعلني رسولا. لآ.
وجعلني من المرسلين في مرسلين تانين اخر واحد مين؟ اخر واحد مين - [00:19:09](#)

يوسف وهم كانوا حديث عهد بيوسف اللي كان حاكم مصر ما فيش من بعض عشرات سنين. بيفكرهم وجعلني من المرسلين اسمع
بقى موسى اخر الكلام الشخصي اللي عن جحوده لنعمة فرعون للآخر. وراح مدיהם له انت بتزلني عشان - [00:19:29](#)

قتلتنيش زي اطفالبني اسرائيل! كتر خيرك الحقيقة. وتلك نعمة تمنها علي. انا عبادتبني اسرائيل. دي لعنة الطغاة يعرضوا شعوبهم
لاقصي انواع اقصى درجات الجوع والعزاب والاضطهاد فلما يخففوا عنهم شيء صغير او اي - [00:19:55](#)

به وكأن يا الشعب اصبح في نعمة هو اصلا ما كانش مفروض ان الحال يكون فيه اضطهاد ولا ظلم وابتاع. ففرعون قال له ايه؟ الم
نريك فينا وليدا ولبشت فينا من عمرك سنين؟ سيدنا موسى - [00:20:16](#)

فقال له وتلك نعمة تمنها علي ان عبادتبني اسرائيل. انا اصلا المفروض ان قومي ما كانوش يستعبدوا. واطفالهم تقتل انت جاي تمن
علي انك ما استعبدتنيش وقتلتني! ده انا امي من خوفها رمتني في نهر النيل يا راجل - [00:20:29](#)

انت جاي بتمن علي نخلتني من النار بتتكلم عن رحمتك وعن كرمك وعن اخلاقك وبعد ما كان شكل فرعون ان عنده حجة خلى شكله
انه عباره عن شر ووحش وخلاص. لكن اسمع كده كلام فرعون بعد كلام موسى ما بقاش له اي تأثير. ما بقاش له اي تأثير -

يا موسى اللي ما كانش عارف يتكلم اللي كان خايف ما يعرفش يتكلم ربنا قال له انا معك. كل ما خوفك تتبدل. كلا اني
اه انا معكما. يبقى حتى لسانك هينطق. وحجتك - 00:21:09

تبقى قوية طبعا فرعون هنا هيموت قال لك اقفل المواضيع الشخصية دي لانه احرجنى ودخلني بتاع افتح مواضيع بقى فلسفية
يمكن يلوظ فيها وما يعرفش يجاوب راح قايل له ايه - 00:21:24

خلي بالك سيدنا موسى قال له فوهب لي ربى حكما وجعلني من المسلمين. فجاب سيرة ربه. قال فرعون يقرأ ثلاثة وعشرين. وما رب
العالمين. يلا افتح مواضيع بقى اخرى بعد ما احرجنى في موضوع انا عباد تبني اسرائيل افتح مواضيع اخرى. وما رب العالمين
بيتريق مين اللي بعنتك - 00:21:39

ملك مصر ملك مصر قاعد على عرش اكبر دولة في العالم. وممرين رب العالمين؟ بص راح قايل له ايه؟ قال رب السماوات والارض وما
بينهما ان كنتم موقنين عامل لنفسك ملك انت ملك على حته قد كده - 00:21:59

ايه يعني فرحان بمصر بتاعتك! ده رب السماوات والارض وما بينهما ملك ده كله ولا حاجة ده زرة في ملك ربنا مهما كنت انت
ضعيف لما بتتكلم عن ربنا قدام الكفار والملحدين دول بيقول لك مم برضو مش مقتنيين فانت تسبق قبلها وتقول له ان كنتم موقنين
- 00:22:17

مش معنى ان الكفار مش مقتنيين يعني الدين غلط. او ربنا مش موجود لا لا لا هو انت اصلا لن يدرك ولن يفهم الا المؤمن
فقط كنت بكلم قريب مع غير المسلمين عندي محاضرة في جامعة اسمها في انجلترا هنا - 00:22:43

وحبيت ان انا اهزهم شوية لان كان منهم دكتورة جامعة كبار ودكتورة اه حقوق و بتاع. والناس دي بتبقى مغروبة شوية. فبدأت باني
قلت لهم هشرح لكم بعض المفاهيم الاسلامية وانا مش متوقع انكم تفهموها كلها. او تتفقوا معي فيها لكن في حاجات لا يدركها اي حد
لازم - 00:23:01

مؤمن بها عايز اقول لكم ان انا من اكتر المحاضرات نجاحا واكتثر المحاضرات اللي اتفقوا فيها عشان دخلت فيهم الدخلة دي رب
السماوات والارض وما بينهما ان كنتم موقنين فانت بتقول اهو انت غالبا مش هتفهم - 00:23:22

طيب طبعا الكلام جامد فرعون راح مزعق في اللي حواليه. انت ساكتين ليه؟ هو خايف يتأثرؤا. اقرا خمسة وعشرين. قال لمن حوله
الا تستمعون؟ انت مش سامعين بيقول رب السماوات والارض وما بينهما. سيدنا موسى لم ينتر لغاية ما يخلص كلامه وراح داخل
على طول. وبيضيع اثر كلامه - 00:23:37

بالراحة شف بقى اقرا ستة وعشرين. قال ربكم ورب ابائكم الاولين. ففرعون بصل للناس وقال لهم الا تستمعوا انت مش سامعين ردوا
راح سيدنا موسى باصص لهم وهم كمان وقالوا لهم ربكم ورب ابائكم الاولين - 00:24:04

يقصد ايه يعني ايه ربكم ورب الاجيال اللي فاتت؟ كان بيتكلم على الزمن الناس اللي في الزمن وهم من شوي كان بيقول رب
السماوات والارض وما بينهما. ده سبيس. ده مكان السماوات مكان الارض مكان وما بينهما مكان - 00:24:20

كان فهو رب المكان ورب الزمان عمل ايه قال ربكم ورب ابائكم الاولين. اتكلم عن الزمان وقبلها رب السماوات والارض وما بينهما ان
كنتم موقنين. اتكلم عن الایه؟ فرعون بقى هيتجنن. هيتجنن وقد موضوعيته - 00:24:38

قال ان رسولكم الذي ارسل اليكم لمجنون لشخص الموضوع واغلبها ان هو مجنون موسى ده مجنون ها! لقى الكلام عن ربنا هيخسره
قال لك ارجع ارجع الكلام لعن موسى تاني - 00:24:59

واتهمه بالجنون ونبأ شخص الموضوع سيدنا موسى بيفكرني بمحمد علي كليه لما كان بيزنق الخصم بتاعه في الكورنر ويفضل
لخنات متتالية متتالية. قال له هنتكلم عن ربنا مش هنشخصن مهما حاولت تستدرجي - 00:25:15

للكلام عن نفسي انا خلاص بتكلم عن ربنا. اقرا تمانية وعشرين. الرد لما قال ان رسولكم الذي ارسل اليكم المجنون راح سيدنا موسى
رد على مسألة جنونه؟ لأ. قال رب المشرق - 00:25:31

المغرب وما بينهما ان كنتم تعقلون. انا مجنون! ده انت اللي لو عندكم مخ تفكروا ده رب مشرق والمغرب وما بينهما. الاية مش معقوله!
سبيس ولا تايم ده مكان ولا زمان؟ الاتنين - 00:25:43

بين المشرق والمغرب ارض وبين المشرق والمغرب زمن ايضا تايم. فربنا رب رب الزمان والمكان ما ردش ليه ان هو مجنون. اللي
يبدافع عن الاسلام ما عندوش وقت يدافع عن نفسه - 00:26:03

ان الله يدافع عن الذين امنوا بده ايش عنها انت بتدافع عن الاسلام ركز في الاسلام ما تباقاش بتدافع عن نفسك ده هيقال عليك كل
حاجة في ركز بص سيدنا موسى ما ردش - 00:26:24

كم الكلمات المتالية فيما يخص العقيدة رب الكواكب ورب النجوم الضخمة رب الذرة رب النواة رب الالكترون واضح نظام كل ده رب
المشرق والمغرب وما بينهما ان كنتم تعقلون فرعون طبعا خسر المعركة الفكرية زي كل الطغاة. جاهم زي كل الطغاة. هيلجاً بقى للقوى
وللتهديد. قال لان اخذت الها غير - 00:26:36

لاجعلنك من المسجونين اعتقلك فسيدنا موسى عارف ان موطن قوته في الحجة وده بيجرجره تاني برة الميدان بتاعه فسيدنا
موسى عمال يجرجر فرعون لميدان الحجة والمنطق والدليل انت ما عكش سلاح زي ما عندكش جنود زي. وهو بدأ يستفزك ويقول
لك لاجعلنك يا مسجونين عشان انت تتحداه وتقول له ما تقدرش - 00:27:06

وريني هيقوم واخدك حاطك انت وقومك كلهم في السجن سيدنا موسى زي عمل ايه؟ راح مجرجره لميدان الفكر والعقل والدليل.
اقرا تلاتين قال اولو جئتكم بشيء مبين قال له هسجنتكم راح محولها للعقل والدليل. قال اولو جئتكم بشيء مبين؟ هو بيحرجه قدام
الناس. لانه ما يقدرش يقول له غير - 00:27:35

هات الشيء المبين ورينني. ما يقدرش يقول له غير كده بلاش اقول له مش عايز اشوف شيء مبين. مش عايز اشوف المعجزة اللي
معك. ما يقدرش يقولها. هيبي شكله وحش جدا قادمهم. هيبي شكله ضعيف قدام قومه. ما دام سيدنا موسى رمى له دي -
00:28:00

اقرأ واحد وتلاتين قال فاتي به ان كنت من الصادقين. لو صادق الحقيقة تورينا عندك ايه اقرا اتنين وتلاتين فالقى عصاه
فاذًا هي ثعبان مبين. رمى العصاية أصبحت ثعبان كبير - 00:28:13

ونزع يده فاذًا هي بيضاء للناظرين. وورى له ايده بيضة ندخلها تاني تطلع عادي تدخلها تطلع بيضة يا نهار ابيض! الناس هتتأسر كده
الناس اتاختدت فرعون لقى السجادة بتتسحب من تحت رجليه - 00:28:29

والناس ثقتها في موسى عمالة تزيد اقرأ اربعة وتلاتين. قال للملأ حوله ان هذا لساحر عليم. يريد ان اخرجكم من ارضكم بسحره. فماذا
تأمرون ده ساحر ما تصدقوش دي مؤامرة عشان يستولي على حكم مصر ويخرجكم من ارضكم يعني يخرجكم من حكم البلد -
00:28:46

قال للملأ حوله ان هذا لساحر عليم. عنده خبرة في السحر دول اهل الشر مش عارف ترد عليه الصق بقى الزق آآابدأ الصق بهم تهم
جزافا ارم عليهم تهم. ان هذا لساحر عليم يريد ان يخرجكم من ارضكم بسحره - 00:29:10

بالتأمر فيه مؤامرة فيه مؤامرة على البلد ومؤامرة عليكم ويخرجكم ويستولي على البلد فماذا تأمرون؟ يا سلام على الديمقراطية
ده ايه العدل ده فرعون بيسأل قومه فماذا تأمرون محتاج امر من الناس؟ - 00:29:28

هو عاوز شرعية اللي هي عمله هو ناوي يعمل مدحنة رعاية شرعية فماذا تأمرون؟ فماذا تأمرون؟ عايز آآتفويض هو كتاب واحد كتاب
واحد بيقرأ منه. كلهم رافعين من نفس المرحلة - 00:29:50

طيب هنفف هنا شوية وبكرة نكمل حكاية الرسول البطل موسى صلى الله عليه وسلم بس انا بحط نفسي دلو قتي مكان النبي محمد
صلى الله عليه وسلم وهو بينزل عليه الایات دي - 00:30:11

اعتقد ان للبد من وجود رابطة قلبية بين سيدنا محمد وسيدنا موسى بعد ما بيسمع الكلام ده لأ في شيء مشترك بين الاتنين. دول
الاتنين انباء قريبين جدا في الشخصية وفي كل حاجة من بعض - 00:30:25

اولا اللاتينين هاجروا فرارا ب حياتهم. قبل ان يقتلوا واحد هاجر الى مدين والثاني الى المدينة. سبحان الله اللاتينين كانوا قادة سياسيين وعسكريين. مش كل الانبياء كانوا كده اللاتينين من اولي العزم من الرسل - 00:30:38

احسن خمس رسل اكبر خمس رسل اللاتينين نزل عليهم كتب التوراة مش كل الانبياء نزل عليهم كتب اللاتينين جاهدوا وقاتلوا اللاتينين قاومهم بنى اسرائيل يقاوموا اللاتينين. خل بالك. اللاتينين وجه المنافقين في قومهم - 00:30:59

هو انت فاكر السامری والناس اللي معی اللي عملت ما دول ما واسقین واحنا كان عندنا منافقین برضو في المدينة طیب هنالک رابطة خاصة بين النبي صلی الله علیه وسلم سیدنا محمد وسیدنا موسی. انتم عارفین ان سیدنا موسی بكی لیلة الاسراء بعد ما النبي نشف - 00:31:22

وقال هذا الغلام الذي بعث بعدي يدخل من امته الجنة اکثر مما يدخل من امتي طیب. سؤال بقى شف بقى زکائكم بقى. هل النبي شف شطارتكم بقى. هل النبي محمد صلی الله علیه وسلم كان يرى في نفسه شبک - 00:31:40

من موسی هل كان شایف نفسه شبه موسی فکروا معي ما الدليل من السیرة النبویة ان النبي صلی الله علیه وسلم كان كان يرى شبهها بيته وبين موسی. فکروا معي واکتبوا - 00:32:00

في موقف لو حد عرفه له عندي هدية موقف في السیرة النبویة يثبت ان النبي صلی الله علیه وسلم كان يرى شبهها بيته وبين موسی. ها في بدر لما قتل ابو جهل - 00:32:16

قال النبي الله اکبر هذا فرعون هذه الامة. ليه ما قالش نمزح هذه الامة بیقی لو دافی لو ابو جهل فرعون بتاع قصة موسی. بیقی النبي ها في قصة موسی بیقی مین؟ بیقی موسی - 00:32:37

النبي صلی الله علیه وسلم كان يرى شبهها بيته وبين موسی اقول قولي هذا واستغفر الله لي ولکم فستذکرون ما اقول وافوض امری الى الله اللهم ارزقنا حبك وحب من يحبك وحب عمل يقربنا الى حبك. اللهم اجعل القرآن ربیع قلوبنا ونور صدورنا وجلاء احزاننا. وذهاب - 00:32:55

همومنا ومغفرة ذنبنا. اسأل الله ان يجعل هذا التدبر في ميزان حسناتي وحسناتکم. اللهم انك تعلم ان هذه القلوب قد اجتمعت كتابک واجتمعت على محبتك. والتقت يا ربنا على طاعتك وتوحدت على دعوتك. وتعاهدت على نصرة - 00:33:18

شريعتك فوثق اللهم رابطتها وادم ودها واهدها سبلها. واملأها بنورك الذي لا يخبو واشرح صدورها بفيض الايمان بك وجميل التوكل عليك. واحيها بمعرفتك وامتها على الشهادة في سبيلك انك نعم المولى ونعم النصیر. والسلام عليکم ورحمة الله. ونراكم غدا باذن الله ان کنا من اهل الدنيا - 00:33:38 - 00:34:06